

Faito‘o ‘oku ‘avé: Vai paracetamol 120 mg ‘i he 5 mL

Mei Sanuali 2023, ‘e lava ke ma‘u atu ha fa‘ahinga fo‘ou ‘o e vai paracetamol 120 mg ‘i he 5 mL. ‘E fetongi ‘e he Ethics paracetamol ‘a e vai paracetamol Paracare mo e Avallon.

(Pu‘aki pa-ra-SEE-ta-mol’)

‘Oku angamaheni ke ngāue ‘aki ‘a e vai paracetamolo ki he faito‘o ha mofi pe felangaaki, tautefito ‘i he fānaú.

Ko e hā e kehekehe ‘o e Ethics paracetamol?

Ko e Ethics paracetamol ‘oku lanu meimei kilimi pea ifo hangē ko e situloapelí. ‘Oku ‘i ai ‘a e me‘a tatau mo ngāue tatau pē mo e kalasi kimu‘á.



Fakatokanga‘i ange

Ko e ngaahi me‘a ‘oku ngaahi ‘aki hangē ko e fakaifoifó mo hono fakamelié, ‘e ala ki‘i kehe. Kapau ‘oku ‘i ai ha‘o ngaahi fehu‘i ki he ‘ū me‘á ni, talanoa ki ho‘o GP, nēsí pe tokotaha talatala vaí.



! ‘E malava ke lanu mo ifo tatau ha ngaahi faito‘o huhu‘a kehekehe. Lau ma‘u pē ‘a e leipoló pea ‘oange ki ho‘o fānaú ‘a e fakafuofua totonú. ‘OUA ‘e fakafalala ki he lanú, nanamú pe ifó.

Ko e hā e lahi 'o e paracetamol 'oku totonu ke u 'oange ki he'eku fānaú?

- 'Oku makatu'unga 'a e lahi 'o e paracetamol 'i he mamafa 'o ho'o fānaú.
- Fua mamafa ho fānaú PEA vakai'i 'a e mālohi 'o e paracetamol 'okú ke ma'ú.
- Ngāue 'aki 'a e tēpile fua ko 'ení ke ma'u 'a e fua totonú.

Kimu'a pea 'oange 'a e paracetamol ki ho'o fānaú:

- Vakai'i pe 'oku kei fiema'u nai ia 'e ho fānaú.
- Tatali 'i ha houa 'e 4 'i he vaha'á hili hono inu e faito'ó.
- 'OUA 'e lahi hake ho'o inu e faito'ó 'i he tu'o 4 'i he houa 'e 24.
- Vakai'i 'a e 'aho 'oku 'osi ki ai hono faka'aonga'í.
- 'Oua 'e faka'aonga'i fakataha mo ha ngaahi faito'o kehe 'oku 'i ai e paracetamol.



'Oku mahu'inga ke 'oua na'a laka hake hono 'oange ki ho'o fānaú 'a e faito'ó, 'i he fua 'oku pou pou'í mai ki he faka'ahó. Ka tōtu'a hono ma'u 'e ho'o fānaú 'a e faito'ó – pe taimi pē 'e taha pe ko ha hili ha ngaahi 'aho – 'e lava ke maumau'í 'e he paracetamol honau 'até.

i Ki ha fakamatala lahi ange fekau'aki mo e vai paracetamol, hū ki he pharmac.govt.nz/paracetamol-liquid

Tēpile fua 'o e paracetamol

Mamafa 'o e tamasi'í	120 mg 'i he 5 mL
Ma'ulalo ange 'i he 5 kg	Fehu'i ki ho'o toketaá pe tokotaha talatala vai
5 kg	3 mL
6 ki he 7 kg	3.5 mL
8 ki he 9 kg	5 mL
10 ki he 12 kg	6 mL
13 ki he 14 kg	8 mL
15 ki he 16 kg	9.5 mL
17 ki he 18 kg	10.5 mL
19 ki he 20 kg	12 mL
21 ki he 22 kg	13 mL
23 ki he 25 kg	14.5 mL
26 ki he 28 kg	16.5 mL
29 ki he 32 kg	18 mL
33 ki he 36 kg	20.5 mL
37 ki he 41 kg	23 mL
42 ki he 60 kg	26 mL
Laka hake he 60 kg	30 ki he 40 mL